

Շրջաբերական Կոնգրես

ԳԵՈՐԳ ԾԱԹԱՅ ՅԻՍՈՒՄԻ ՔՐԻՍՏՈՍԻ ԵՒ ԱՆՀԱՍԱՆԵԼԻ ԿԱՄՕՔԵ
ԱՍՏՈՒԾՈՅ ԵՊԻՄԿՊՈՍՊԵՏ ԵՒ ԿԱԹՈՂԻԿՈՍ ԱՄԵՆՍԵՆ ՀԱ-
ՅՈՑ, ԾԱՅՐԱԴՈՅՆ ՊԱՏՐԻԱՐԲ ՀԱՄԱԶԳԱԿԱՆ ՆԱԽԱՄԵԾԱՐ
ԱԹՈՌՈՅ ԱՐԱՐԱՏԵԱՆ ԱՌԱՔԵԼԿԱՆ ՄԱՅՐ ԵԿԵԴԵՑԻՈՅ ՍՐԲՈՅ
ԿԱԹՈՂԻԿԷ ԷԶՄԻՄՇՆԻ

Դերաշնորհ Առաջնորդաց և եպիսկոպոսաց, բարձրապատիւ
փոխանորդաց և վանահարց, հարազատ որդւոց Մայր Աթոռոյս
ողջոյն և օրհնութիւն Հայրապետական:

Ի ժամանակս նախնեաց մերոց հաւատոյ որդիք Սրբոյ Հօրն
Մերոյ Գրիգորի Լուսաւորչի զիմէին յեկեղեցի Աստուծոյ ի լուր
հոգեղուարձ երգոց աստուածային պաշտամանց, որք կատարէին
երկիւղածութեամբ, հոգւով և մտօք, և հոգեշունչ քարոզիչք
հնչեցուցանէին յունկն նոցա զբանն աւետարանի, ուսուցանէին
զվարդապետութիւնն եկեղեցւոյ և պատմէին զվարս և զմեծա-
զործութիւնս երանելի առաքինեաց, որք եղեալ էին զանձինս
իւրեանց վասն ազգի, հայրենեաց և եկեղեցւոյ: Յայնուսիկ ժա-
մանակս թէ՛ Բռնութիւն հակառակորդաց քրիստոսական կրօ-
նիս մերոյ ի հալածանս և ի նեղութեան ունէր զեկեղեցի և զհաւա-
տացեալս ի Քրիստոս, սակայն եկեղեցի պայծառանայր և հաւա-
տացեալք սերտիւ կապեալ ի սէր հայրենի կրօնից և զօրացեալ
օրինակօք առաքինաց, աներկիւղ համարձակութեամբ զիմագրաւ
լինէին Բռնութեանց, հրապուրանաց և փորձութեանց աշխարհիս և
անասան մնային ի հաւատս իւրեանց, անուն բարի ժառանգելով:

Անցին Բռնութիւնք և հալածանք, ընդ կարծեցեալն խաղա-
ղութեան սկսաւ մեղկութիւն յոմանս ի պաշտօնէից եկեղեց-
ւոյ և ի ժողովրդեան և անտարբերութիւն զատապարտելի: Եւ
այսօր, ցաւ ի սիրտ, տեսնեմք ի տեղիս տեղիս զբազումս ուժա-
ցեալ յեկեղեցւոյ, զառաւելաւ յիւրս աշխարհի և անձնատուր լեալ
զայթակղութեանց և կրից, անձնական վայելչութեանց և շահուց:

Մոռացեալ իսպառ զազգային և զբարոյական պարտիան իւրեանց, օտարանան յազգէ և յեկեղեցւոյ, զանձինս իւրեանց միայն պաշտելով: Իսկ ոմանք ի զիւղականաց մերոց վասն խարուսիկ յուսոյ երկրաւոր շահու կամ վասն անձնական վրիժուց, կամելով զիրաւունս ալոց, մինչ իսկ զբացեաց և ազգականաց, անարդարութեամբ ոտնահարել, վաճառեն զհաւատս իւրեանց կամ զրպարտեն զանմիզս անիրաւարար և զբազում ընտանիս զժրախտացուցանեն: Աղէտարեր է յոյժ, զի թիւ այդպիսաց օրբսօրէ բազմանայ:

Զայս վիճակ ժողովրդեան մերոյ տեսանելով զոյր սրբոյ հօրն մերոյ Մովսիսի Սորենացւոյ հառաչեմք, և այսու ընդոստուցիչ ձայնիւ զիմեմք առ հոգևոր պաշտօնեայդ եկեղեցւոյ և առ ժողովուրդն, գոչելով, զգաստացարուք և յուշ ածէք զբարոյական պարտիս Ձեր, ժողովուրդ հայոց:

Առաջնորդք և եպիսկոպոսունք, փոխանորդք և վանահարք, որք կարգեալ էք առաջնորդել ժողովրդեան, պատրաստ լերուք յամենայն ժամ և պատրաստեցէք հոգևոր պաշտօնեայս, որք ընդ ձերով իշխանութեամբ են, զգաստութեամբ մարտնչիլ ընդդէմ ամենայն մոլութեանց, զայթակղութեանց և բարոյական ախտից, յորս առայտի ժողովուրդ մեր:

Տնւք օրինակ բարեաց բանիւ և գործով: Զհետ լերուք բարեկարգութեան եկեղեցեաց, ի պայծառութեան պահելով գնոսին՝ կարգաւորեալ ժամերգութեամբ, կանոնաւոր երգեցողութեամբ և կենդանի քարոզութեամբ:

Որպէս զպրոցք հաստատեալ են ի կրթիւ և ի դաստիարակել զմանկտին, եկեղեցի զնոյն ունի զկոչումն վասն ժողովրդեան: Ուստի յայսոսիկ աւուրս ապաշխարութեան և յետ այսորիկ միշտ և հանապաղ տնւք պատուէր ամենայն աւագ երիցանց և քահանայից՝ բարոզել ժողովրդեան յամենայն եկեղեցիս ընտանի բարբառով զբանն Սուրբ Աւետարանի, զբարոյական պատուէրս Աստուածայինս, վառել զնոանդն առ բարին, զսէր առ Մայրենի եկեղեցին, առ ազգն հայոց և առ ամենայն աստուածահաճոյ հաստատութիւնս և յիշեցուցանել հանապաղ զքրիստոնէական վեհ պարտականութիւնս իւրեանց առ միմեանս: Իսկ քահանայք, որք անկարողք են քարոզել և զաւուրն խորհուրդ բացատրել այլով եղանակաւ, գէթ յաւուրս կիւրակէից, տէրունական և նշանաւոր տօնից, յետ ընթերցման Աւետարանի ի տեղի քարոզից, թարգմանեսցեն զայն զիւրմբոնելի բարբառով ժողովրդեան: Յորդոր կարգացէք ամենայն հոգևորականաց՝ ջան ի գործ դնել սիրելի կացուցանել ժողովրդեան հայոց զեկեղեցի, զազգային սրբութիւնս և զհայրենի սրբազան աւանդս և հանապաղ աստուածային պատուիրանաւ և քրիստոնէական ոգւով կրթել զմիտս:

ժողովրդեան մերոյ առ ի հետի կացուցանել ի մոլութեանց, յանբարոյ
և ի վնասակար գործոց, որք Հարազոյնք են քան զամենայն բռ-
նութիւնս և թունաւորեն զազգային, զընկերական և զընտանեկան
կեանս բազմաց:

Աղօթեմք առ Աստուած հաստատել զժողովուրդն մեր ի
բարի հաւատս, յառաքինի վարս և ի քրիստոնէական մարդասէր
գործս և զՋեղ՝ զամենեսեան և զուխտ եկեղեցւոյ զօրացուցանել
ի գործս շինութեան և պայծառութեան Հայաստանեայց եկեղեց-
ւոյ, սրբութեան և երջանկութեան ժողովրդեան մերոյ:

Ողջ լիբուք, զօրացեալ շնորհօք Ս. Հոգւոյն և յաւէտ օրհ-
նեալ ի Մէնջ. Ամէն:

Գ Ե Ո Ր Գ Ե.

ԿԱԹՈՒՂԻԿՈՍ ԱՄԵՆԱՅՆ ՀԱՅՈՑ

Ի 20 փետրուարի 1914 ամի

ըստ Տոմարիս ՌՅԿԳ

ի Հայրապետութեան մերում Գ. ամի
Սրբարտեան Մայր Աթոռ Ս. Էջմիածնի.

ի Վաղարշապատ

Թ. 260—267

